

支那  
撰述

曹溪憨祖大師自著年譜  
卷上



光緒歲次辛卯年十一月朔

重刊

曹溪懋祖大師自著年譜

慎勿污襲

板存紅螺山



曹溪中興肉身祖  
 慈山國師大和尚  
 尚法影

壽安山十  
 願庵主无  
 長居士記



楷李弟子通宗張琦敬寫

支那  
 撰述

曹溪古真志流傳寶

崇禎皇帝御讚慈山老和尚法像

這老和尚何等行狀撐持法門已作棟梁受

天子之鉗錘爲佛祖之標榜

御書第十七代朱

御諱

題贊

用璽奉供大內九蓮菩薩院中

達觀可大師康居國會尊者像贊寄

慈公并序○三國爲英雄之聚亦刀兵之聚慈悲

般若無有入處而康祖一錫浮江三稱如來兩目

流血舍利投瓶光燦六合澤綿千古是時也吳之

君臣莫不爲之動心變色卽事徵理知有佛而不

疑六度旣譯安般門開無擇黑白得法眼淨與夫

禪思入微者不可計算皆我祖爲之嚆矢也茲  
憨山清大師因弘法戍瘴海善以慈心三昧普使  
朽骨生春聖華居士聞風感慕特寫祖影寄上曹  
溪以爲大師影響嗚呼曹溪肉佛所現自唐及宋  
飲曹溪而得道者代不乏人邇來曹溪涸矣瑤林  
蕭然又藉憨師以謫戍爲波瀾而曹源復活康祖  
分身觸髓眼開恒沙難喻豈可以有思惟心測其  
功德淺深者哉達觀道人不解逆風把柁但解順  
水推舟爲之讚曰

康祖來吳清公謫粵觸髓大師金剛眼突瘴海之

支那  
史述

曹溪中興憨祖集贊

二

慘骨刺魂驚大師得戍彌感 聖明曹谿蠱毒飲  
者皆喪大師飲之銷盡諸瘴指撮舍利康祖之貪  
貪不爲我此心何慚弘法得罪命如絲單千里瘴  
嶺芒鞋踏遍雷道峇堯颶風正高鉢瓶孤逝舌相  
昭昭南粵魍魎白日鼓掌我若無心菩薩影響有  
心應之康祖愚癡章甫適越其誰不疑石頭之別  
肝膈冰冷丁生吹火寫康祖影緣影得心心亡性  
冥大用無常鐘以眼聽根塵主客收放夢醒掌擎  
瑤塔牢山之頂 達大師借康祖像贊憨祖義逾真  
像題蹟在五乳峯法雲寺  
憨祖臨化自題曹溪影堂法像



威威堂堂澄澄湛湛不設城府全無崖岸氣蓋乾坤目撐雲漢流落今事門頭不出威音那畔無論爲俗爲僧肩頭不離扁擔若非佛祖奴郎定是覺塲小販不入大冶紅爐誰知他是鐵漢只待彌勒下生方了這重公案

真蹟在賈溪慈山寺

心嗣法孫靈峰智旭敬讚法像

偉貌豐神堅勇大勢空定凝神光明初霽憂在法門禍福寧計掣電奔雷德山臨濟密用潛行園中海際知之者謂是隻手擎天不知者謂是英雄蓋世誰思其必處于非宗非教卽教卽宗之間終不

支那  
撰述

曹溪中興蔡祖像讚

三

與時流同逝

旭法師號素率徵成譜疏時恰聽說楞嚴玄義於康居方丈

東遊宗鏡堂命法名福徵法字梁生弟子譚貞默

南望頂禮手疏年譜恭讚法像并序○惟我

慈山肉祖本師大和尚在燕則爲慈壽國師在

粵則爲曹溪嗣祖肉身鼎峙貝葉燈輝近代出頭禪和那堪彷彿萬一然日月雙趺光明莫大而風塵隻眼晦蝕難開自非履歷昭垂誰識乾坤函蓋海虞宗伯銘五乳未免傳聞異辭紫竹門徒傳中興尚欠追隨親炙梅檀被體離塔何銘年譜成經爽符非傳海庭險阻遐道人 不脛郵飛庾嶺神通

掃弟子拈香鑄布伏讀永明智覺禪師宗鏡錄云  
悟心成祖先聖相傳故達磨初祖云明佛心宗了  
無差悞行解相應名之曰祖又偈云亦不觀惡而  
生嫌亦不觀善而勤措亦不捨愚而近賢亦不拋  
迷而就悟達大道兮過量通佛心兮出度不與凡  
聖同躔超然名之曰祖徵得此語正與本師寶林  
號祖之義後先相印兼與達師曹溪肉祖之贊彼  
此合符因擬稱曹溪中興肉身嗣祖憇山國師大  
和尚敬作法影贊曰

現佛現祖嫡宗嫡教傳曹溪衣寫楞伽照龍門海

支那  
換述

曹溪中興慈祖像贊

四

印清涼竅妙歷劫肉身一方雙到

順治八載太歲在重光單閏月軌青陸日當夜灞漈  
洛而年譜疏成福徵謹識



肉身古佛中興曹溪憨山嗣祖三十六頌

有序目

竊歎摩尼無價希逢辨寶商人窮子失珍只爲久  
迷歸路所以學道如牛毛悟心似麟角吾生不辰  
值滄桑改易之秋吾身何幸見古佛出興之日維  
茲曹溪優曇鉢花三千年前曾一現肉身因果五  
百世後再相逢應無所住而住其身萬物皆備於  
我矣應無所得而得其位反身而樂莫大焉永嘉  
大師有云三身四智體中圓八解六通心地印今  
肉身菩薩憨山大師只這心印一印印定更無別  
法一門超出三摩禪那一門直入妙莊嚴路不煩

支那  
撰述那

曹溪古興慈祖三譜頌

一

泥木丹青法身充滿於虛空何必金臺銀閣影像  
光昭於法界無知俗漢猶嫌他披枷帶鎖釘椿搖  
橈去在因讀其年譜而標其題目作三十六頌以  
承埽菴譚司觀之請云

白衣重袍○不在中間與內外惹得世人增渴愛垢  
衣那肯便拋遺竊恐衆生難理會

生死疑團○未曾得路事空王便解鑽他烟裏光燒  
却三千大千界死中覓活顯奇方

報恩得度○盧老傳衣不是僧笑他老蔡涉途程將  
此身心奉塵刹是則名爲報佛恩

矢志中興○出家本擬度衆生何故殃他滿寺僧救  
得一羣無事漢莊嚴寶殿在吾身  
入京叅訪○錯下永嘉這句言尋師訪道爲真禪若  
然不入驚人浪那有魚龍跳上船  
柳巷逢師○驪珠拾得到家晶肯落他家萬丈坑震  
旦雖寬無別路暫假兒孫脚下行  
都門遇友○心印從君識舊顏同聲相應絕廉纖塞  
鴻不是人驚起風擊蘆烟滿碧天  
臺山臥雪○將試紅爐火裏蓮精金百煉愈光鮮雪  
團手握便宜打始覺清涼勝說禪

支那  
撰述

曹溪中興齋年譜頌

二

西山同隱○三世如來口共宣方知累劫困如眠我  
無隱爾般般是木樨香徧怪多言

住山本錢○窮漢居山無一縑蒼天連叫苦連天法  
門八萬從茲入大似經商得本錢

少林禮祖○碧眼胡僧入漢來九年何事口難開今  
朝捉敗臊鬍子捏箇拳頭劈面腮

不見大千○見說嵩山有大千至今不斷少林禪早  
知不往嵩山去恐誤衆生餽野涎

喜見法光○法光拈杖逐兔子翻身返擲打蝦蟆死  
蛇不斬放他去宗門作畧向人誇



龍門聽水○不向時人行處行却來橋畔聽流聲忽  
然踏斷溪聲路耳不聞兮眼亦盲  
出定釜塵○幾度花開影上壁琉璃殿上絕消息芥  
柯爛却不知年猿啼徹夜何曾歇  
保護臺山○臺山闊狹豈堪量歲歲君皇百萬糧此  
事若何能解釋胡公一見遂無傷  
聖衆酬酢○不知其人視其友文殊彌勒呈家醜夢  
覺覺夢總皆如我若見時急打狗  
誕生皇嗣○指天指地佛初生五位君臣他是尊大  
明皇子猶如佛摩尼珠現定乾坤

杖那  
撰述

曹溪台與悉程詩頌

三

僻處牢山○邊海臣僧無可說一日三餐飽便歇不  
然辜負吾君皇東西南北何曾別  
母子談玄○策杖還須達故鄉未曾舉足見親娘多  
時不隔娘生面子母將鋤笑一場  
報恩緣寢○緣起從頭福可興十年減膳謝皇恩垂  
成倭到朝鮮地好事多魔自古聞  
鎮撫嚴刑○幾番絕後得重生慈孝無妨史汗青到  
底皇心從此悟如初母子賴真僧  
恩成雷州○皇恩浩蕩法從輕遣戍雷州拄杖行一  
指端頭無兩物普天匝地盡光明

罪謁軍門○制府威嚴久已聞况披枷鎖謁軍門誰  
知相見稱麟鳳南嶺今朝始重僧  
源濬曹溪○祖席緣何太寂寥源頭未濬也徒勞因  
邪打正連天碧忘辱忘榮見性牢  
百廢具興○有爲不達真空位到底韓盧來逐塊蛇  
行鼠步不相干電捲風馳還未快  
孽僧抵牾○閻浮可惜許多年朝夕茫茫被這牽那  
得不遭塵垢染急來收拾老婆禪  
赦還初服○廻途堪作火中牛一葉纔凋萬國秋月  
白浪平無別事此心還在釣竿頭

支那  
撰述

曹溪古興慈聖詩頌

四

東遊得麟○東南法窟喜多僧未見維摩一默人剛  
遇梁生徵福慧就中衆角爾爲麟  
五乳蓮開○世間無比是蓮花透石穿沙絕點埃徧  
滿馨香無展謝凡夫着相亂如麻  
再入曹溪○消息應知等故常舊時遊處意偏長曹  
溪水月連三界覓箇同參好共商  
中秋無月○春有百花冬有雪夏有涼風秋有月秋  
中今夜只看星亘古無明更廓徹  
坐脫敝衣○脫却娘生袴亦凡遠離來去示盲叅孤  
孤迴迴光前後猶恐痴猿攪碧潭



塔建匡廬○達人相見無交涉豎起高幢且自憨未  
解箇中堪失笑迎來送去好瞞肝

破龕見佛○卷舒出沒事幽微交集人天若箇知全  
令宋公提寶劍一聲雷響動須彌

肉身巍鎮○無情說法事偏多不語枯椿又見師賓  
主合時猶是妄光前耀後話精粗

曹溪三十六世轆轤道人巖大叅合十敬題

支那  
撰述

曹溪中興慈祖年譜頌

五

憨山老人年譜自叙實錄

卷上

東海那羅延窟侍者福善記錄  
吳越開元府治弟子福徵述疏

世宗肅皇帝嘉靖二十五年丙午

予金陵全椒縣人也姓蔡氏父諱彥高母洪氏生  
平愛奉觀音大士初夢大士携童子入門母接而  
抱之遂有娠及誕白衣重胞是年十月巳亥十二  
日丙申巳丑時生也

父一見母一見

門人顓愚觀衡作曹溪中興憨大師傳云師諱德  
清字澄印別號憨山母解懷白衣重包而出去衣

支那  
撰述

年譜目錄卷上

一

洗濯湯水異香出家報恩寺後一日在舍利塔前  
遇一梵僧僧曰此小師後日大轉法輪口如仰月  
卽佛口也又在本寺廊下遇一人曰堯眉八彩公  
眉五彩有三教之任後在五臺山過大塔院寺時  
爲頭陀遇一僧甚偉手拉師曰師是大人再來滿  
頭髮皆紺色後必大作佛事○徵按年譜萬曆四  
十二年甲寅十一月有門人悟心顓愚來省一語  
夢遊集中有示顓愚禪人法語畧云顓愚初依  
五臺空印大師聽習經論久之遂盡屏去单提一  
念切究本分事萬里南詢過曹溪謁老人請益老



人示以轉身一路唯唯作禮而別乃就居南嶽未幾老人亦至禪人以病往寶慶就醫老人歎禪門眞實爲生死的學人最難得丙辰三月朔風雨夜半忽禪人冒雨衝泥而至老人見其疾瘳大喜因再拈香請益老人特示禪人身病已瘳切不可被禪病侵古人云捨情易捨法難禪人捨身卽捨情捨見卽捨法情法兩忘豈不爲大無礙解脫之人此示幾千字集中許可不多屈指宜有中興傳之作所嫌傳中訛舛纍牘易誤後學蓋謁請兩次只在一時追隨口淺後來未見自著年譜故所聞異

支那  
史述

年譜自叙實錄卷二

二

辭關係匪小茲以年譜爲主參補傳中一二別聞  
弊繁逸事逸語如盤山隱者顛未裨益良深其他  
支蔓無稽者悉刪之大抵禪弊在趨宗避教不曉  
憨祖與六祖同爲宗教總持同現曹溪肉身同無  
單傳衣鉢嗣法孫素華智旭有初緣發心夢中攝  
受之因當世宗教合一人也作十八祖紀贊以憨  
祖終十八祖者並不傳衣鉢祖也憨祖一傳節畧  
顯傳正與年譜吻合當爲私淑功臣○肉身佛祖  
出世榜樣蚤在母胎歷劫勝因非通小可

二十六年丁未

子周歲風疾作幾死母禱大士遂許捨出家寄名於邑之長壽寺因易乳名曰和尚

母二見

徵誦乳名大美後果圓成不知法諱德清出自何人何時所命譜不載也父命未易時名亦不載

二十七年戊申

予三歲常獨坐不喜與兒戲祖父常謂曰此兒如

木椿

祖一見

徵觀究竟成就木椿厥祖可謂具眼

二十八年巳酉

二十九年庚戌

支那  
撰述

年譜自叙實錄卷上

三

三十年辛亥

三十一年壬子

予七歲叔父鍾愛之母始送予入社學一日叔父  
死停於牀予歸母詒之曰汝叔睡可呼起乃呼數  
聲孀母感痛乃哭曰天耶那裏去也予愕然疑之  
問母曰叔身在此又往何處耶母曰汝叔死矣子  
曰死向甚麼處去遂切疑之未幾次孀母舉一子  
母往視予隨之見嬰兒如許大乃問母曰此兒從  
何得入孀母腹中耶母拍一掌云痴子你從何入  
你娘腹中耶又切疑之繇是死去生來之疑不能



解於懷

母三見叔父媼母及第各一見

徵按此七歲兒何從得此滴骨滴髓成生關頭娘兒兩箇當面質對如許大疑團極奇一則現身摩耶簇新鉗錘烹佛煉祖頂首大公案

### 三十三年癸丑

予八歲讀書寄食於隔河之親家母誠不許回但經月歸一次一日回戀母不肯去母怒鞭之趕於河邊不肯登舟母怒提頂髻拋於河中不顧而回于時祖母見之急呼救起送至家母曰此不才兒不浚殺畱之何爲又打逐畱無畱念予是時私謂

支那  
年譜目錄卷之二  
四

支那  
年譜目錄卷之二  
四

四

母心狠自是不思家母常隔河流淚祖母罵之母曰固當絕其愛乃能讀書耳

祖母一見母四見

徵讀至此一字一句涕泗滂沱有讀之而不涕泗者非人類也合十讚歎曰慈哉悲哉善哉信哉如是那得不婆拋子那得不刮肉還母哉

### 三十三年甲寅

予九歲讀書於寺中間僧念觀音經能救世間苦心大喜因問僧求其本潛讀之卽能誦母奉觀音大士每燒香禮拜予必隨之一日謂母曰觀音菩薩有經一卷母曰不知也予卽爲母誦一遍母大

喜曰汝從何得此耶誦經聲亦似老和尚

母五見

錢牧齋謙益作大明慈山大師廬山五乳峯塔銘  
有云師九歲能誦普門品卽譜稱觀音經也天啓  
丁卯南海陳廸祥與五乳弟子福善以行狀屬牧  
齋作塔銘其間興復曹溪事似畧聞之宣化蕭玄  
圃雲舉而東遊未詳始末與年譜迥異今肉身  
曹溪五乳塔銘失傳信矣採補僅可什一○徵讀  
此乃曉取科名作宰官正不煩眞實讀書正知見  
作佛祖未有不眞實讀書始者卽此觀音經一  
卷蚤歲能背誦全由讀書作緣卽此爲母誦一遍

支那  
摺述

平昔言齋錄卷上

五

便能報母打逐之恩

三十四年乙卯

予十歲母督課甚嚴苦之因問母曰讀書何爲母  
曰做官予曰做何等官母曰從小做起有能可至  
宰相予曰做了宰相却何如母曰罷予曰可惜一  
生辛苦到頭罷了做他何用我想只該做箇不罷  
的母曰似你不才子只可做挂搭僧耳予曰何爲  
挂搭僧有甚好處母曰僧是佛弟子行遍天下自  
由自在隨處有供予曰做這箇恰好母曰只恐汝  
無此福耳予曰何以要福母曰世上做狀元常有



出家做佛祖豈常有耶予曰我有此福恐母不能捨耳母曰汝有此福我卽能捨私識之

母六見

徵太息咄咄母子團圓作無生話開示恁地明指引恁地潤機鋒恁地緊承當恁地捷十歲金陵母捨子肉身七十八歲曹溪子肉身報母的大因緣大奇特

偈贊叶韻

### 三十五年丙辰

予十一歲偶見行脚僧數人肩擔瓢笠而來予問母此甚麼人耶母曰挂搭僧也予私喜視之僧至放擔倚樹乃問訊化齋母曰請坐急烹茶具齋飯

支那  
撰述

年譜目錄卷上

六

甚恭敬食罷衆僧起卽荷擔隻手一舉母急避之曰勿謝僧逕去予曰僧何無禮飯齋不謝母曰謝則無福矣予私曰是僧之所以高也切念之遂發出家之志苦無方便路耳

母七見

徵看驀地飯僧了無踪跡許大公案趙州勘臺山婆子不是過也人知飯僧功德爲世福是母是子乃證兩足尊之福○以上了在家公案

### 三十六年丁巳

予十二歲居常不樂俗父爲定親立止之一日聞京僧言報恩寺西林大和尚有大德予心卽欲往

從之白父父不聽白母母曰養子從其志第聽其成就耳乃送之是歲十月至寺太師翁一見喜曰此兒骨氣不凡若爲一俗僧則可惜耳時無極大師初開講於寺之三藏殿祖翁携往詣之適趙大洲在一見喜曰此兒當爲人天師也乃撫之問曰汝愛做官要作佛予卽應聲曰作佛趙公曰此兒不可輕視當善教之及聽講雖不知言何事然心憤憤若有知而不能達者

父二見母入見西林和尚無極大師趙大洲各

一見大洲名貞吉字孟靜內江人歷官禮部尚書武英大學士謚文肅

徵念憨祖當日若無此母不得出家不得到底童

支那撰述

平譜目錄卷上

七

身成佛作祖矣真佛母哉又按金陵梵剎志云嘉靖年間報恩寺住持僧末寧號西林蓄一馬每自寺赴禮部輒騎之上馬必默誦金剛法華二經至部門下馬經畢後寺鄰一婦方產而馬是夜歿婦夢馬入室遂生男極蠢惟能口誦二經因入西林爲僧諸經不能上口亦究不識一字故譜云師翁生平持金剛經臨終不輟

三十七年戊午

三十八年己未

予十四歲初太師祖擇諸孫中有學行者俊公爲



予師先授法華經三月能熟背之流通諸經俱已背完太師翁曰此兒可教不可誤之也乃請明師以教之

太師祖太師翁並卽西林和尚二見

三十九年庚申

四十年辛酉

四十一年壬戌

予十七歲太師祖仍請先生首教舉子業初卽以四書一齊讀之次習五經子史古文詞賦卽能賦詩述文社集賦有江上篇同會一時皆推重之時常亦多病遂欲棄所習業

太師祖三見

支那  
撰述

年譜目錄實錄卷上

八

四十二年癸亥

四十三年甲子

予十九歲因同會諸友皆取捷有勸予往試者時雲谷大師正法眼也住栖霞山中太師翁久供養往來必畱款旬月予執侍甚勤時聞其教適雲大師出山聞有勸予之言恐有去意大師力開示出世叅禪悟明心地之妙歷數傳燈諸祖及高僧傳命予取看予檢書笥得中峯廣錄讀之未終軸乃大快歎曰此予心之所悅也遂決志做出世事卽請祖翁爲披剝則盡焚棄所習專意叅究一事未

得其要乃專心念佛日夜不斷如是未幾一夕夢中見阿彌陀佛現身立於空中當日落處見其面目光相了了分明予接足禮哀戀無已復願見觀音勢至二大士卽現半身自此時時三聖炳然在目自信修行可辦也是年冬本寺禪堂建道場請無極大師講華嚴玄談予卽從授具戒隨聽講至十玄門海印森羅常住處恍然了悟法界圓融無盡之旨切慕清涼之爲人因自命其字曰澄印請證大師曰汝志入此法門耶因見清涼山有冬積堅冰夏仍飛雪曾無炎暑故號清涼之語自此行

支那  
撰述

全善自叙集卷二

九

住冰雪之境居然在目矢志願住其中凡事無一可心者而離世之念無刻忘之矣

雲谷大師一見無極大師再見

大師翁

四見

徵疑往試何試蓋試行童也去意何去蓋去而就行童試也譜後有爲教師授業行童二百人及館高座寺又應金山聘館之語則知當日行部檄教試各寺行童也此在房入世事故云決志做出世事非遇雲谷大師開示接引安知焚棄所習力辦修行發悟矢志之機緣全自雲谷始也雖然專心念佛者有人歲月積久尚難見佛安得未幾而彌



陀觀音勢至三聖俱現驟如所願又復時時三聖  
炳然在目道場聽講具戒叅究者有人總憑語言  
文字誰印身心性命安得聽講時全會身心性命  
不見語言文字一聞華嚴十玄便能恍然了悟法  
界圓融無盡之旨便能證入清涼法門目冰雪而  
字澄印爾時無極神通與憨祖神通蚤在不思議  
中誰謂有言無言大法師大宗師有二諦也要識  
如憨祖者纔真是歷劫西來人

### 四十四年乙丑

予二十歲正月十六日太師翁入寂師翁於前年

支那  
撰述

年譜目錄卷二

一

除日畢集諸眷屬曰吾年八十有三旦暮行矣我  
度弟子八十餘人無一持吾業者乃撫予背曰此  
子我望其成人今不能矣是雖年幼有老成之見  
我灰後房門大小事皆聽決之勿以小而易之也  
衆唏噓受命新歲七日師翁具衣遍巡察各辭別  
衆咸訝之又三日卽屬後事示微疾舉藥不肯進  
乃曰吾行矣藥奚爲乃集衆念佛五晝夜手提念  
珠予擁於懷端然而逝以師翁生平持金剛經臨  
終亦不輟太師翁爲報恩官住三十年居方丈及  
入滅至三月十八日而方丈火衆皆歎異是年冬

十月雲谷大師建禪期於天界集海內名德五十  
三人開坐禪法門大師極力提掖予往從時少師  
翁聽之乃得預會初不知用心之訣甚苦之乃拈  
香請益大師開示審實念佛公案從此叅究一念  
不移三月之內如在夢中了不見有大衆亦不知  
有日用事一衆以予爲有志初不數日以用心太  
急發背疽紅腫甚巨大師甚難之予搭袈裟哀切  
懇禱於韋馱前曰此必冤業索命債耳願誦華嚴  
經十部告假三月以完禪期後當償之如是至後  
夜倦極上禪牀則熟睡開靜亦不知及起則忘之

支那  
撰述

年譜目錄寶錄卷上

十一

矣天明大師問恙何如予曰無恙也及視之已平  
復矣一衆驚歎是故得完一期及出亦如未離禪  
座時卽行市中如不見一人時皆以爲異江南開  
創禪道自雲谷大師始盛然住寺僧習禪者獨予  
一人時寺僧服飾皆從俗多艷色予是時盡棄所  
習衣服唯覓一衲披之見者以爲怪

太師翁五見  
少師翁一見

雲谷大  
師再見

徵觀西林太師翁大非凡僧壽考令終預知時至  
得孫具眼任以後事究能報撫背之命世法佛法  
兩效焉難矣方今到處禪期入坐者但得安單爲



樂誰識用心爲苦愁祖發心念佛時早數數見佛  
菩薩現身光明人方得少爲足誰復肯請益叅究  
審實念佛公案慈祖嘗示徵云念佛不肯下死心  
但在浮想上念其實藏識中習氣潛流全不看見  
故念佛從來不見一念下落若念佛得力尤勝叅  
栢樹子乾屎橛也審實念佛公案有所自來是以  
後來東遊過嘉禾至栖真禮雲谷先大師塔以明  
法乳及居五乳啓建六時念佛道場以代禪期也  
禱韋馱去背疽一何如許靈應自非三月禪期如  
夢了不見大衆日用事離禪座行市中仍如坐禪

支那  
撰述

至善自念實錄卷上

三

時不見一人如是審實用心莫指望驅遣韋馱也

### 四十五年丙寅

予二十一歲自禪期出是年二月二十八日午時  
雨如傾盆忽大雷自塔而下火發於塔殿不移時  
大殿焚至申酉時則各殿畫廊一百四十餘間悉  
爲煨燼時予少祖爲住持及奏聞 旨下法司連  
逮同事者十八人比合寺僧恐株連各各逃避而  
寺執事僧無可與計事者予挺身力救之躬負鹽  
菜送獄中以供之寺至刑部相去二十里往來不  
倦者三月且多方調護諸在事者竟免死時雪浪

恩公長予一歲同歸依無極大師甚契之時以爲同胞云卽與恩公俱決興復之志且曰此大事因緣非具大福德智慧者未易也爾我當據命修行養以待時可也是時卽發遠遊志項之少祖尋入滅太祖之房門無支持者先是太師翁入滅無儲蓄喪事皆假貸不貲故多負欠卽析居知必不能保予思太師翁遺命乃設法盡償其負貸餘者分諸弟子各執業房門竟以存是年冬從無極大師聽法華經於天界寺因志遠遊每察方僧求可以爲侶者久之竟未得一日見後架精潔思其淨頭

支那  
摺述

年譜目錄實錄卷二

十三

必非常人乃訪之及見特一黃腫病僧耳益異之每早起事必已辦不知何時洒掃也予故不窺竊經行廊下偵之當衆放叅時卽已收拾畢矣又數日見不潔乃不見其人問執事曰淨頭病於客房也予往察其狀不堪問師安否曰業障身已難支而饒病更難當予問何故曰每見行齋食恨不俱放下予笑曰此久病思食耳是知其人真因料理果餅袖往視之乃問其號曰妙峰爲蒲州人予卽相期結伴同遊後數日再視之則不見予心知其人恐以予累故潛行耳

少祖卽少師翁二見雪浪恩公一見無極大師三見



妙峰淨  
頭一見

徵按雪浪法師名洪恩年十三從父往聽無極大  
師講法華規矩於報恩寺無極者淮陰人具得賢  
首慈恩性相宗旨一時講肆爲隆浪公方髻年旬  
日傾耳不肯去竟自翦頭髮乞父舍身爲極師小  
沙彌正愍祖十二歲初出家西林時妙齡相契譜  
前所載詣三藏殿聽講語也至此雖兄弟交密愍  
祖別有超異心二十歲從雲谷大師天界坐禪時  
浪公見其枯寂呵以聽無極開講曰用如三家村  
土地作麼愍祖曰古德有言自性宗通回觀文字

支那  
撰述

年譜目錄卷上

十四

如開門落臼耳雪浪曰果如此則我兄也時報恩  
燬於大火兩人三日哭誓以興復後愍祖由臺山  
入都慈宮興寺機緣幾就不偶歷東海南海未嘗  
頃臆忘報恩事浪公見浮圖露祭欽傾沿門持鉢  
行乞都市高門三年乃得竣事嗚呼兩人並可謂  
不負諾矣紫栢心易浪公時有訛議愍祖告以出  
家因緣始悚然謂窺基後身以上語多聞之一雨  
法師○蒲州妙峰大師名福登爲山陰王南海進  
香還過建業北人初到南方受濕生瘡因向天界  
道場討淨頭行單爲歇息許愍祖從厠地光潔厠

燈明淨中覓得之訂爲生灰願同住山行脚妙公  
曰師有此志行脚我荷草鞋住山我給薪水尋以  
瘡愈去越六年而相訪於京師則知爾時蓋公事  
未了機緣有待故撩衣便去譜語畧之曰恐累潛  
行也中與妙師一真字足槩百千佛祖○順天府  
平谷縣有山曰妙峰因山爲號

### 隆慶改元丁卯

予二十二歲特舉雲谷忠公爲寺住持以救傾頽  
比爲回祿事常住負貸將千金皆經予手衆計無  
以處予設法定限三年盡償之是年奉部檄本寺

支那  
撰述

年譜目錄實錄卷二

十五

設義學教僧徒請予爲教師授業行童將二百人  
因是復親左史諸子故業

雲谷忠公一見

徵按此舉不獨了房門牽挂事并了闔寺住持牽  
挂事世法佛法併一大作畧稱忠公別雲谷大師  
也

### 二年戊辰

予二十三歲是年謝寺館復館於高座寺以房門  
之累然也

### 三年己巳

### 四年庚午



予二十五歲二年皆應金山聘館

五年辛未

予二十六歲同雪浪恩兄遊廬山至南康聞山多虎亂不敢登遂乘風至吉安遊青原見寺廢僧皆畜髮慨然有興復之志乃言於當道選年四十已下者盡剃之得四十餘人夏自青原歸料理本師業安頓得宜冬十一月卽一鉢遠遊將北行時雪浪止予恐不能禁苦寒姑從吳越多佳山水可遊目耳予曰吾人習氣戀戀軟暖必至不可施之地乃易制也若吳越枕席間耳遂一鉢長往

雪浪恩兄再見

支那  
報述

平昔言笑錄卷上

二六

徵感慈祖前作清涼冰雪觀鷲地北行發大勇猛委身試之早已入境雙奪虛空消隕矣○以上了在寺房門公案

六年壬申

予二十七歲初至揚州大雪阻之且病作久之乞食於市不能入門自忖何故急自省曰以腰纏少有銀二錢可恃耳乃見雪中僧道行乞之不得者卽盡邀於食店以銀投之一餐而畢明日上街入一二門乃能呼遂得食因自喜曰吾力足輕萬鍾矣銘其鉢曰輕萬鍾之具名其衲曰輕天下之具

乃爲之銘曰爾委我以形我託爾以心然一身固  
因之而足萬物實以之而輕方將曳長風之袖披  
白雲之襟其舉也若鴻鵠之翼其逸也若潛龍之  
鱗逍遙宇宙去住山林又奚銜夫朱紫之麗唯取  
尚乎霜雪之所不能侵是年秋七月至京師無投  
足地行乞竟日不得食將暮至西太平倉茶筋僅  
一餐投宿河漕遺教寺明日左司馬汪公伯玉知  
予至乃邀之以與汪次公仲淹爲社友故耳因乃  
得寓以旬日卽詣摩訶忠法師隨往西山聽妙宗  
鈔有西山懷恩兄詩期罷摩訶畱過冬聽法華唯

支那  
撰述

年譜言敘實錄卷上

十七

識請安法師爲說因明三支比量十一月妙峰師  
訪予至師長鬚髮衣褐衣先報云有鹽客相訪及  
入門師卽問還認得麼予熟視之見師兩目忽記  
爲昔天界病淨頭也乃曰認得師曰改頭換面了  
也予曰本來面目自在相與一笑不暇言其他第  
問所寓曰龍華明日過訊夜坐乃問其狀何以如  
此師曰以久住山故髮長未剪適以檀越山陰殿  
下修一梵宇命請內藏故來耳問予曰吾乃特來  
尋師且以觀光輦轂一叅知識以絕他日妄想耳  
師曰別來無時不思念將謂無緣今幸來某願伴



行乞爲前驅打狗耳竟夕之談遲明一笑而別卽  
往叅遍融大師禮拜乞和尚指示師無語唯直視  
之而已叅笑巖師師問何處來予曰南方來師曰  
記得來時路否曰一過便休師曰子却來處分明  
予作禮侍立請益師開示向上數語左司馬汪公伯玉次公仲淹廕訶忠法師安法師各一見雪浪恩兄三見妙峰師再見山陰殿下一見遍融大師笑巖師各一見伯玉名道昆號南溟新安人  
有太函集弟仲淹名道貫名下士

徵思開手乞食入人門一段情景真不可說不可  
思議一雨法師言愁祖決計北遊浪公苦畱愁祖  
詒之入城遂冒大雪而行浪公還寺痛哭久之是

支那  
撰述

空譜目錄卷之二

一八

應有西山懷恩兄詩遍融笑巖二師並作投契語  
笑巖燕人結菴燕京西城柳巷生正德壬申當愁  
祖二十七歲相見時笑師年已六十二矣有月心  
語錄中分南集二卷北集二卷禪錄中所希有此  
始見語句句是記別向上事○是歲起臺山因緣  
萬曆改元癸酉

予二十八歲春正月往遊五臺先求清涼傳按跡  
遊之至北臺見有憨山事甚佳因問其山何在僧  
指之喜奇秀默取爲號詩以志之有遮莫從人去  
聊將此息機之句以不禁冰雪苦寒遂不能畱復





方問師曰仁者何來師曰南方來隱者曰來此何  
爲師曰特訪隱者隱者曰隱者面目如此別無奇  
特師曰進門早已看破了也隱者笑曰我住此巖  
三十餘年今日始遇一箇同風畱師住師亦忘返  
一夜師經行忽然頂門響一聲轟如乍雷山河大  
地身心世界豁然頓空境非尋常目前空可喻如  
是空定有五寸香許漸覺有身心漸覺脚下踏實  
開眼漸見山河大地一切境相還復如故身心輕  
快受用亦無可喻舉足如風輕歸巖中隱者曰今  
夜經行何其久耶師具告所得境相隱者曰此色

支那  
撰述

五譜目錄卷之二

二十

陰境耳非是本有我住此巖三十餘載除陰雨風  
雪夜夜經行此境但不著則不被他昧却本有師  
深肯其語作禮謝教師在盤山久之妙師藏經起  
向汪公詢師何往公卽遣使登盤山頂覓師問在  
巖中見師述主人妙師相候之切師乃拜辭隱者  
戀戀不忍別無奈宿約何耳隱者送師淚如噴珠  
行至半山方轉師還京妙師汪公迎師笑曰回何  
遲耶師具陳巖上因緣公曰如是則吾師住山已  
竟師曰猶是途路邊境界耳公與妙師相視大笑  
噫嘻如許奇特示現憨祖生平所邁不知幾何難

以筆舌盡卽此韻公所載盤山實錄累六百言可謂莫大因緣譜中只以盤山千像峰一僧不語相與拾薪汲水行乞過夏片語了之看來不過一頓家常茶飯耳奇境可戀舍之卽行雖因妙師宿約亦不願作二乘人獨了漢也韻公作傳之功以此一節公案爲最○順天府薊州數峰陲絕名盤山一名盤龍山山頂有大石搖之輒動

## 二年甲戌

予二十九歲春遊京西山時當代名士若二王二汪南海歐楨伯一時俱集於都下皆夙慕者一日

支那  
撰述

年譜目錄卷上

三

訪王長公鳳洲相見以予少年易之予傲然賓主公卽諄諄教以作詩法予瞠目視之竟無一言而別公不憚乃對次公麟洲言之明日次公來訪一見卽曰夜來家兄失却一隻眼予曰公具隻眼否公拱曰小子相見了也相與大笑歸謂其兄曰亞歌翰却維摩了也因以詩贈予有可知王逸少名理讓支公之句一日汪次公與予同居看左傳因謂予曰公天資特爽大有文章氣槩家伯子當代文宗也何不執業以成一家之名乎予笑而唾曰畱取令兄膝頭他日拜老僧受西來意也次公大



不悅歸告司馬公公曰信哉予觀印公道骨他日當入大慧中峰之室是肯以區區文字爲哉第恐浮遊爲誤耳一日見予與次公扇頭詩有身世蜩雙翼乾坤馬一毛之句乃示次公曰此豈文字僧耶他日特設齋請予與妙師同過坐中公謂予曰禪門寥落大可憂小子切念之觀公氣度將來成就不小何以浪遊爲予曰貧道特爲大事因緣叅訪知識故行脚第今遊目當代人物以了他日妄想耳非浪遊也且將行矣公曰信然予觀方今無可爲公之師者若無妙峰則無友矣予曰昔已物

支那  
撰述

年譜見靈寶卷上

三

色於衆中曾結同叅之盟故比來相尋不意偶遇於此公曰異哉二公若果行小子願津之時妙師取藏經回司馬公因送勘合二道又爲文以送予一日公速予至問曰妙峰行矣公何不見別予曰姑徐行公曰予知公不欲隨人脚跟轉耳殊大不然古人不羞小節而恥功名不顯於天下但願公他日做出法門一段光明事業又何以區區較去就哉予感而謝之遂決行卽往視妙師已載乘矣見予至問曰師行乎曰行矣卽登車未別一人而去秋八月渡孟津見武王觀兵處有詩弔之曰片

石荒碑倚岸頭當年會此會諸侯王綱直使同天  
地應共黃河不斷流過夷齊叩馬地弔曰棄國遺  
榮意已深空餘古廟栢森森首陽山色清如許猶  
是當年叩馬心遂入少林詣初祖時大千潤宗師  
初入院予訪之未遇出山觀洛陽古城焚經臺白  
馬寺卽追妙師九月至河東會山陰王遂畱結冬  
時太守陳公與妙師及予意甚勤爲刻崖論中吳  
集解予校閱向於不遷論旋嵐偃嶽之旨不明切  
懷疑久矣今及之猶罔然至梵志出家白首而歸  
鄰人見之曰昔人猶在耶志曰吾似昔人非昔人

支那  
撰述

年譜目錄卷上

三

也恍然了悟曰信乎諸法本無去來也卽下禪牀  
禮佛則無起動相揭簾立階前忽風吹庭樹飛葉  
滿空則了無動相曰此旋嵐偃嶽而常靜也至後  
出遺則了無流相曰此江河竟注而不流也於是  
生來灰去之疑從此冰釋乃有偈曰灰生晝夜水  
流花謝今日乃知鼻孔向下明日妙師相見喜曰  
師何所得耶予曰夜來見河邊兩箇鐵牛相鬪入  
水中去也至今絕消息師笑曰且喜有住山本錢  
矣未幾山陰請牛山法光禪師至予久慕之相見  
喜得坐叅也與語心相契請益開示以離心意識



叅出聖凡路學深得其旨每見師談論出聲如天  
鼓音是時予知悟明心地者出辭吐氣果別也淡  
服膺其人一日袋中搜得予詩讀之歎曰此等佳  
句何自而得耶復笑曰佳則佳矣那一竅欠通在  
予曰和尚那一竅通否師曰三十年拿龍捉虎今  
日草中走出兔子來下一跳予曰和尚不是拿龍  
捉虎師拈拄杖才要打予卽把住以手捋其鬚曰  
說是兔子恰是蝦蟆師一笑休去師一日曰公不  
必他往願同老伏牛是所望也予曰觀師佛法機  
辯不減大慧見居常似有風顛態吟哦手口無停

支那  
換述

年譜自敘實錄卷上

舌

時謂何師曰此我禪病也初發悟時偈語如流日  
夜不絕自不能止遂成病耳予曰此病初發時何  
以治之師曰此病一發若自看不破須得大手眼  
人痛打一頓令其熟睡覺時自然消滅矣我爲恨  
其無毒手耳師知予新正卽往五臺乃以詩送之  
有雲中獅子騎來看洞裏潛龍放去休之句問曰  
公知否予曰不知師曰要公不可捉灰蛇耳予領  
之向來禪道久無師匠及見光師始知有宗門作  
略山陰國主問予二親在乃贈二百金爲終養資  
予謝曰貧道初行脚自救不了又安敢累二親乎

固讓致光師

南海歐楨伯再見王長公鳳洲次公麟洲各一見汪司馬伯玉三見次公

仲淹再見妙峰師三見大千潤宗師一見山陰王再見大守陳公一見法光禪師一見鳳洲名世貞太倉人官至少司馬弟麟洲名世懋官至太常

徵謂慈祖當日因仲淹得見伯玉而二汪優在兄因鳳洲得見麟洲而二王優在弟世幾難兄難弟哉瞠目無一言置鳳洲何地膝頭拜老僧許南溟到天大汪公的大眼孔大願力成就臺山大因緣大功德偉人哉設齋請兩師一席話悉是如語不誑語痛切到家語世出世間語着心勸駕有加無已泥水爲人身沒交涉千載佛祖有不感而謝

支那  
撰述

年譜目錄卷上

三

之者哉兩師發軔臺山機峰針對脚跟勘合何如乞食徐行感謝登車只爲南溟先覺兩人一路同行獨往離合隨意先後不違到處歷覽古蹟河濱追及同舟踏破草鞵速於郵傳光華得頌快於風雅武王自可觀兵夷齊何妨叩馬不遇大千潤師早遇少林初祖矣猗歟哉旋嵐偃嶽遙印曹溪之不遷晝夜成生了悟佛孔之無二惟佛知佛惟祖知祖妙師其提唱乎南溟其鼓吹乎無極雲谷摩訶遍融不語五導師其發靈振覺之先聲乎笑巖法光其他山攻玉之片石乎入少林請初祖西



來衣鉢之始因乎戊曹溪興六祖肉身接席之結  
果乎山陰國主贈二百金固讓以致伏牛光師爲  
款畱乎爲印證乎致金卽行爲臺山妙師宿諾乎  
爲獅子潛龍不受羈絡以表揚宗門作略乎弟子  
福徵讀至此合十贊歎曰希有世尊無盡意菩薩  
解頸衆寶珠瓔珞以與觀世音讓金光師也那吒  
太子拆骨還父刮肉還母辭資終養也母可投子  
於河子可不顧親養明眼人稱爲百千萬億劫止  
慈止孝○徽又按顯公所作傳云妙師同師起經  
從河南轉進山西至蒲州山陰王聞藏經將至率

支那  
撰述

三譜目錄卷二

三六

諸宗侯幡蓋音樂香花迎經進府妙師告王曰向  
所說澄印師今亦同來王聞大喜先請師相見後  
方安置藏經延師府內住時刻坐對究探楞嚴宗  
旨王托妙師請師講楞嚴經師雨淚苦辭曰我爲  
住山來不爲講經來卽欲遁去王知志不可奪下  
拜堅畱三兩月卽屬妙師伴師住山嗟乎慈祖早  
識妙師於天界妙師早舉慈祖於山陰是以驀地  
相逢一見如故談經勝事不可則止所謂人之相

知貴相知心 亞歌阿哥鄉音

三年乙亥

予三十歲正月自河東同妙師上五臺過平陽師之故鄉也師以少貧值歲饑父母死葬無殮具至是山陰與一二當道助之予爲卜高敞地爲合葬作墓誌師俗姓續居平陽東郭蓋春秋續鞠居之後也時太守胡公號順菴東萊人聞予至寓城外欲一見不可得及予行公送郵符予曰道人行脚有草屨耳焉用此旣行公後追之至靈石乃見同至會城畱語數日差役送至臺山於二月望日寓塔院寺大方主人爲卜居北臺之龍門乃最幽峻處也以三月三日於雪堆中撥出老屋數椽以居

支那  
模述

年譜目錄卷上

七

之時見萬山水雪儼然宿慕之境也予身心洒然如入極樂國未幾妙師往遊夜臺予獨住此單提一念人來不語目之而已久之視人如杌直至一字不識之地初以大風時作萬竅怒號水消澗水衝激奔騰若雷靜中聞有聲如千軍萬馬出兵之狀甚以爲喧擾因問妙師師曰境自心生非從外來聞古人云三十年聞水聲不轉意根當證觀音圓通予因溪上一獨木橋日日坐立其上初則水聲宛然久之動念卽聞不動卽不聞一日坐橋上忽然忘身則音聲寂然自此衆響皆寂不爲擾矣



予日食惟以麩和野菜以合米爲湯送之初人送米三斗半載尚有餘一日粥罷經行忽立定不見身心唯一大光明藏圓滿湛寂如大圓鏡山河大地影現其中及覺則朗然自覺身心了不可得卽說偈曰瞥然一念狂心歇內外根塵俱洞徹翻身觸破太虛空萬象森羅從起滅自此內外湛然無復音聲色相爲障碍從前疑念當下頓消及視釜已生塵矣以獨一無侶故不知久近耳是年夏雪浪北來特看予至臺山坐室中不禁其淒楚信宿而別冬結一板屋以居之

妙峰師四見山陰王三見平陽太守胡順菴大

支那  
撰述

年譜目錄實錄卷二

三六

方主人各一見雪浪四見順菴卽後胡中丞

徵在淨慈寺宗鏡堂聞之慈祖高足知微虛中修六三公云大師同妙師在臺山龍門龍翻石上坐聽沸泉經年至泉聲不斷如不聞乃得入定妙師知大師將入定乃別廬於水瓦梁大師入定不知幾何日乃出觀此則知視釜生塵正獨居入定時事也是知非發悟人不能入定非苦行人不能發悟古尊宿謂大悟一十八遍小悟不記其數有言一悟不再悟者大錯也當年誓力以冰雪清涼作觀到此緣成以冰雪清涼得力斯謂薪盡火傳斯

謂傳燈今衲子傳燈直傳薪耳○直筆浪公數語  
猶是當年挽止苦寒之意終不忘同胞交與之情  
也浪公傳稱當日身負慈師所在歷嵩少伏牛上  
五臺龍門得之水雪堆中腰包菴飯誓共生灰師  
語之曰人各有志亦各有緣兄之緣在行法以續  
慧命不當終老枯寂江南此道久湮當上承無極  
本師法席荷擔囑累爲人天眼目庶不負出世因  
緣也浪公首肯遂相與鄭重而別後杖錫三吳諸  
郡說法三十年大衆圍繞東南講席莫盛○山西  
太原府五臺縣有五臺山五峰高出雲表頂背皆

支那  
撰述

年譜自筆卷上

五

可上故稱臺文殊師利所居曰清涼山蓋慈祖始  
終清涼水雪因緣也如來雪山修道祖師立雪得  
傳之說乃信

### 四年丙子

予三十一歲發悟後無人請益乃展楞嚴印證初  
未聞講此經全不解義故今但以現量照之少起  
心識卽不容思量如是八閏月則全經旨趣了然  
無疑春三月蓮池師遊五臺過訪畱旬日夜對談  
心甚契秋七月平陽太守胡公轉馬平兵備入山  
相訪靜室中唯餐燕麥鏹鏹野菜齏耳時下方正



酷執驟從到山澗中敲水嚼之公見曰別是一世界也吾到此世念如此水耳是年冬十月塔院主人大方被誣訟於本道擬配遞還俗叢林幾廢時廬山徹空師來與予同居適見其事大苦之予曰無傷也遂躬詣胡公冒大雪往及見胡公欣然曰正思山中大雪難禁已作書方遣迎師適來誠所感也然竟釋主人道場以全固畱過冬朝夕問道爲說緒言時開府高公移鎮代郡聞予在署中乃謂胡公云家有園亭多題詠欲求高人一詩胡公諾之對予言予曰我胸中無一字安能爲詩乎力

支那  
撰述

年譜目錄卷上

三

拒之高公再三胡公亦無奈苦求之乃取古今詩集置几上發予之思予偶揭之方構思忽機一動則詞句迅疾不可遏捺胡公出堂回則已落筆二十首矣予忽覺之曰此文學習氣魔也卽止之只取一章以塞白餘不敢發然機不可止不覺從前所習詩書辭賦凡會入目者一時現前逼塞虛空卽通身是口亦不能吐更不知何爲我之身心也黑黑自視將欲飛舉之狀無奈之何明日胡公送高公去予獨思之曰此正法光禪師所謂禪病也今在此中誰能爲我治之者無已獨有睡可消

若得安眠卽予之幸矣遂閉門強臥初甚不能久之忽坐忘如睡童子敲門不開推之不應胡公歸亟問之知此乃令破窻入見予擁衲端坐呼之不應撼之不動先是書室中設佛供案有擊子胡公拈之問曰此物何用予曰西域僧入定不能覺以此鳴之卽覺矣會有此說公忽憶之曰師入定耶疾取擊子耳邊鳴數十聲予則微微漸醒覺開眼視之則不知身在何處也公曰我行師卽閉門坐今五日矣何居乎予曰不知也第一息耳言畢默坐諦觀竟不知此是何所亦不知何從入來乃回

支那  
撰述

年譜目錄卷上

三

觀山中及一往行脚一一皆夢中事耳求之而不得則向之遍空擾擾者如雨散雲收長空若洗皆寂然了無影像矣心空境寂其樂無喻乃曰靜極光通達寂照含虛空却來觀世間猶如夢中事佛語真不吾欺也擬新正還山乃爲胡公言臺山林木苦被奸商砍伐菩薩道場將童童不毛矣公爲具疏題請大禁之自後國家修建諸刹皆仗此禁之林木否則無所取材矣

蓮池師一見胡公順菴大方各再見徹空

師開府高  
公各一見

徵聞盧祖以楞伽四卷印心今慈祖以楞嚴全部



印心先聖後聖其揆一也蓮池師杭州仁和人各  
族沈氏子邑庠名士三十二歲投性天理和尚祝  
髮諱祿宏字佛慧旣就無塵王律師受具以母服  
未闋乃懷木主以遊居必奉食必供遍叅知識北  
遊五臺感文殊放光至伏牛隨衆煉魔入京師叅  
遍融笑巖二大老皆有開發過東昌忽有悟作偈  
曰二十年前事可疑三千里外遇何奇焚香擲戟  
渾如夢魔佛空爭是與非南歸與禪期者五終不  
知鄰單姓字隆慶辛未乞食梵村漸就雲棲勝緣  
大開淨土一門普攝三根以終所著彌陀疏鈔禪

支那  
史述

年譜目錄實錄卷上

三三

關策進憨祖稱師二編蓋顯禪淨雙修不出一心  
其爲化權甚微出世始終無一可議可謂法門得  
佛之全體大用者也丁巳東遊時從南嶽携文往  
祭徇諸緇白弟子請爲作塔銘又爲題像贊者七  
雲棲弟子寫憨祖像畱挂山中又自爲之讚大了  
丙子臺山過訪一番夜談心契因緣也徹空師初  
住匡山黃龍潭此來同住龍門以冬十月至春四  
月還匡山寓臺山半載有餘蓋憨祖爲廡平胡公  
所畱徹師爲代主饗鑄邊事也向聞大方被誣正  
爲山中斫木奸商作難諸山乞憨祖往解於胡公

既以解大方難始復以禁臺山木終一時諸山爲之感動洵世法佛法之無二也在胡公館所說緒言信口信手彌月而成胡公命人錄之成帙卽付梓工請名緒言以行實爲發軔之著作其中章法句法似擬老子而立言大旨則在教三道一後此十四年在牢山作觀老莊影響論實先後互發明也謹錄緒言三則以例其餘云密於事者心疏密於心者事達故事愈密心愈疏心愈密事愈達心不洗者無由密是以聖人貴洗心退藏於密又云目容天地織塵能失其明心包太虛一念能塞其

支那  
撰述

年譜見發實錄卷上

三三

廣是知一念者生滅之根禍患之本也故知幾知微聖人存戒又云念有物有心空法空是以念若虛鎔逢緣自在心如圓鑑來去常閉善此者不出尋常端居妙域矣蓋文道禪道總是一道文魔禪魔總是一魔道高千尺魔高千尺故曰魔來佛來禪病不至飛舉坐忘那得入定今世自許禪定人曉此擊子公案否胡順菴緣深欵切無端動問擊子轉眼先幾應驗是豈人之所能爲哉徵侍宗鏡堂時晨夕所見坐卽雙趺閉眼卽入定開眼卽出定雙眸一展如電應荅千言如響視爾時五日之



定直初入門頭事矣○顓公所傳稱是歲大雪經旬各臺頂雪悉吹聚龍門靜室覆深十餘丈師與徹師閉門兀坐日一撥火煨茶飯北臺白馬寺中臺三處大衆二三百人發心執鋤鑿筐帚探竿下臺頂覓龍門路隨探隨掘隨往隨來大衆勇猛經兩晝夜探竿始抵靜室歡呼進門咸云山中經此大難有火此佛天護佑師與徹師稱謝已而曰也夏經過始得因融雪湯歡飲大衆越日諸山聞二師無恙携米麵果點至者幾無容足處後又聞與妙師同住亦曾經此大雪同以入定消之龍門冰

支那  
撰述

年譜自敘實錄卷上

三

雪視爲尋常諸多不載

五年丁丑

予三十二歲春自馮門歸因思父母罔極之恩莫報且念於法多障因見南嶽思大師發願文遂發心刺血泥金寫華嚴經一部上結般若勝緣下酬罔極之恩以是年創意先是 慈聖聖母以保國選僧誦經予僭列名至是 上聞書經卽 賜

金紙以助明年四月書經起時徹空師還匡山有

詩十首送之

慈聖聖母卽李皇太后一見徹空師再見

徵按血書華嚴卽後云與妙師同願建無遮會安

置塔藏者也發願未書先有神感上聞賜金紙者謂以列名誦經故上聞聖母而賜之非謂 神宗皇上也保國賜寫經金紙一事爲 聖母出世因緣始此矣○慈聖李皇太后爲 神宗嫡母信佛甚殷布施甚廣京師人稱佛老孃孃

### 六年戊寅

予三十三歲刻意書經無論點畫大小每落一筆念佛一聲其遊山僧俗至者必令行者通說予雖手不輟書然不失應對凡問訊者必與談數語其高人故舊必延坐禪牀對談不失亦不妨書對本

支那  
接述

平譜目攷實錄卷上

三五

臨之亦不錯落每日如常畧無一毫動靜之相鄰封諸老宿竊以爲異一日率數衆來驗故意攪擾及書罷讀之良信因問妙師曰印師何能如此耶妙師曰吾友入此三昧純熟耳予自住山至書經屢有嘉夢初一夕夢入金剛窟石門榜大般若寺及入則見廣大如空殿宇樓閣莊嚴無比正殿中唯大牀座見清涼大師倚臥牀上妙師侍立於左予急趨入禮拜立右聞大師開示初入法界圓融觀境謂佛刹互入主伴交泰往來不動之相隨說其境卽現觀於目前自知身心交泰涉入示畢妙



師問曰此何境界大師笑曰無境界境界及覺後自見心境融徹無復疑碍又一夕夢自身履空上昇高高無極落下則見十方迥無所有唯地平如鏡琉璃瑩徹遠望唯一廣大樓閣閣量如空閣中盡其世間所有人物事業乃至窠小市井鄙事皆包其中往來無外於閣中設一高座紫金燄色予心爲金剛寶座其閣莊嚴妙麗不可思議予歡喜欲近心中思惟如何清涼界中有此雜穢耶纔作此念其閣卽遠尋復自思曰淨穢自我心生耳其閣卽近頃之見座前侍列僧衆身竄高大端嚴無

支那  
述

三番目後筆錄卷二

三五

比忽有一比丘從座後出捧經一卷而下授予曰和尚卽說此經特命授汝予接之展視乃金書梵字不識也遂懷之因問和尚爲誰曰彌勒予喜隨比丘而上至閣陞瞑目斂念而立忽聞磬聲開目視之見彌勒已登座矣予卽瞻禮仰視其面晃耀紫金色世無可比者禮畢自念今者特爲我說則我爲當機遂長跪取卷展之聞其說曰分別是識無分別是智依識染依智淨染有生滅淨無諸佛至此則身心忽空但聞空中音聲歷歷及覺恍然言猶在耳也自此識智之分了然心目矣且知所





大夢三昧一夢親見清涼大師於金剛窟中倚牀  
授記便得涉境現前身心無碍照前數數不忘清  
涼不忘妙師因緣再夢至兜率天彌勒樓閣親見  
莊嚴寶座彌勒佛命僧授經登座覲面聞說染淨  
歷歷在耳便得識智之分了然心目三夢親赴文  
殊菩薩北臺頂設浴惡女泛男自是憨祖童身現  
相一心不亂本來清淨無絲毫牽染纔得入香水  
海中脫皮換骨又復雜現好醜淨垢驚厭愛戀種  
種諸相徹底變怪五色無主究竟如佛圖澄臨水  
破胸洞洗腸胃形體映徹有如琉璃究竟如黃蘗

支那  
撰述

全譜目錄寶錄卷一

三

臨濟一捧一痕一掌一血究竟如宣尼親見文王  
周公短長黑白開眼合眼莫非真夢清明在躬志  
氣如神真卽夢真夢卽真夢故曰至人無夢也雖  
然若非放捨身命深住冰雪堆裏活埋六年大灰  
幾遍安得成裏發活大夢出頭包天裹地耀古輝  
今作沒量大人去若非今日肉身端坐示現曹溪  
北印清涼南陪盧祖從大庾嶺頭奪衣鉢處灰去  
生來三回九轉鼎新雨寺憨山法雲於一毫端湧  
寶王刹將捉筆伸楮自敘年譜之日不過海內一  
苦行老人飯心尊宿而已諸方禪衲於在日見三

夢之譜者必且笑爲藝談於化後聞三夢之說者甚將可爲魔境惟憨祖自信得及天下後世斷無一人信得及也而今乃知彌勒授經全證當來劫如無始劫文殊設浴專浴皮肉身成堅固身徵疏至此恍恍夢入曹溪在不可說不可說不可思議中復合十曰希有世尊

七年巳卯

予三十四歲是年秋京都建大慈壽寺完初 聖母爲薦 先帝保 聖躬欲於五臺修塔院寺舍利寶塔 諭執政以爲臺山去京寫遠遂下附京

支那  
撰述

年譜目錄首錄卷上

三九

吉地建大慈壽寺工完覆奏 聖母以爲未了臺山之願 諭 皇上仍遣內官帶夫匠三千人來山修造是時 朝廷初作佛事內官初遣於外恐不能卒業有傷法門時予力爲之調護始終無恙

聖母再見 先帝卽隆慶一見 皇上卽萬曆一見

微嘗隨喜 慈聖李皇太后所建大慈壽寺由通

州水路抵張家灣進其寺南去通州城十五里北

至都城海岱門二十五里土人言此地久爲荒刹

俗名馬房寺佛老娘娘就其故地鼎新宏制勅號

大慈壽前延憨祖後延達觀大師並居此寺譜中



大書特書是年秋京都建大慈壽寺完者見入都  
爲國弘法罹難因緣始此信乎得法之人命如懸  
絲蓋先經起義春秋筆也

### 八年庚辰

予三十五歲是年特 旨天下清丈田糧寸土不  
遺臺山從來未入版額該縣奸人蒙蔽欲飛額糧  
五百石於臺山履行文查報地土合山叢林靜室  
無一人可安者自此臺山爲狐窟矣諸山耆舊白  
予予曰安之諸師無憂緩圖之予於是力宛轉設  
法具白當道竟免清丈未加升合臺山道場遂以

支那  
撰述

年譜自卷一

四十

### 全之

徵知有爲功德只作無爲功德看自然成就

### 九年辛巳

予三十六歲建無遮會初妙師亦刺血書華嚴經  
與予同願欲建一圓滿道場名無遮會妙師募化  
錢糧畢集京中請大德名僧五百衆其道場事宜  
俱備就適 皇上有旨所 皇嗣遣官於武當

聖母遣官五臺卽於本寺予以爲沙門所作一切  
佛事無非爲國祝釐陰翊皇度今祈 皇嗣乃爲  
國之本也莫大於此者願將所營道場事宜一切

盡歸併於求儲一事不可爲區區一己之名也妙師意不解 上遣內使亦不解事但以阿附爲心予大不然乃力爭忤之竟行予議然忤內使之名亦有聞頃之江南妖人作難忌者卽欲借此中傷以破道場然以爲 國求儲之題目竟保全始終無虞是年修塔成予卽以金書華嚴經安置塔藏有願文一卷予自募造華藏世界轉輪藏爲建道場於內應用供具器物齋糧一切所須妙師在京若罔知皆予一力經營九十晝夜目不交睫及十月臨期妙師率所謂五百餘僧一日畢集內外千

支那  
撰述

年譜目錄卷上

四

人其安居供具茶飯齋食倏然不失不亂亦不知所從來觀者莫不駭然初開啓水陸佛事七晝夜予七日之內粒米不糝但飲水而已然應事不缺供諸佛菩薩每日換供五百卓次第不失不知所從出觀者以爲神運予自知爲佛力加被也

聖母三見

皇上二見

皇儲

卽泰昌一見

妙峰師六見

徵生

神宗朝知所爭皇儲事最大當慈祖出世

所關皇儲事獨先蓋其功在首倡定儲諸公爲圖

社稷神幾非依附建儲未議爲啓門戶禍局者也

血書經無遮會求儲之始因也 皇上遣內官於



武當陰爲鄭貴妃祈嗣祈之道士也 聖母遣內  
官於五臺陰爲王才人祈嗣祈之和尚也各有崇  
信各有禱求內使窺伺帝意懼有不測故以阿附  
爲心遂二心於 聖母之命不欲歸併向與妙師  
所營血經圓滿無遮道場於求儲一事以鳴盛舉  
蓋無遮募成不關求儲求儲內遣不建無遮是以  
妙師不解起見在佛法慈祖力爭矢心在國本勝  
因適集精誠格天獨力經營則九十晝夜目不交  
睫羣僧畢集則七日飲水不糝粒米纖務鬼輸大  
供神運若非三昧光明安得邀佛力加被如許厥

支那  
撰述

年譜自卷一

三

後牢山難作 皇言有云舉朝爲和尚我偏爲道  
士遙結武當五臺一案也

十年壬午

予三十七歲是年春講華嚴玄談百日之內常住  
洎十方雲集縑素每日不下萬衆一食如坐一堂  
不雜不亂不聞傳呼剝啄之聲皆予一人指揮餘  
無措目者智者不知所以然也故生平精力蓋竭  
於此會罷查庫內所餘一應錢糧約可萬計盡行  
封附本寺主者以爲常住予與妙師一鉢飄然長  
往矣妙師往蘆芽予以疾往真定障石巖調養作

詩一首有削壁倚天應碍日斷崖無路只飛梯之  
句是年八月 皇太子生予復之京西中峰寺作  
重刻中峰廣錄序結冬水齋於石室

妙峰師七見  
皇太子即

泰昌  
二見

徵計辛巳十月以祈 皇嗣故建無遮大道場於  
臺山大塔院寺圓滿七晝夜功德恰至明年壬午  
八月而內宮王才人誕 皇儲泰昌矣大書特書  
曰是年八月 皇太子生前未誕儲而先筆皇儲  
時未定太子而直筆太子大哉春秋筆也計人生  
十月之期灼然不爽明是佛祖應化篤生故大寶

支那  
撰述

三譜彙纂卷上

三

終登仁施驟被國運垂革改元不亡良有以也王  
才人於定儲後乃封恭妃於三十七年薨光宗卽  
位乃加謚孝靖太后當薨時秘不外聞越四日因  
閣臣請乃宣時沈行人有則疏請加禮不報宮闈  
時事難言之矣妙師從此與憨祖分手越二年同  
大方入京受賜似已不復相見矣憨祖從此了八  
年出入臺山一番大修行大證悟大道場大機用  
大靈感封餘寺庫萬計錢糧一鉢飄然長往前此  
臺山龍門好大結局大散場削壁倚天應碍日斷  
崖無路只飛梯後此半山曹溪好大識語大變相



明眼人自能參取○以上了臺山苦行成道公案  
十一年癸未

予三十八歲春正月水齋畢然以臺山虛聲謂大名之下難以久居遂蹈東海之上始易號愁山時則不復知有澄印矣始予爲本寺回祿志在興復故修行以待緣然居臺山八年頗有機會恐遠失時故隱居東海此本心也夏四月八日至牢山初妙師別時以予不能獨行乃命法屬德宗爲侍者從之予初因閱華嚴疏菩薩住處品云東海有處名那羅延窟從昔以來諸菩薩衆於中止住清涼

支那  
撰述

年譜目錄卷上

四

疏云梵語那羅延此云堅牢卽東海之牢山也禹貢青州登萊之境今有窟存焉予因慕之遂特訪至牢山果得其處蓋不可居乃探山南之最深處背負衆山面吞大海極爲奇絕信非人間世也地名觀音庵蓋古刹也惟廢基存焉考之乃元初七真出於東方假世祖威福多古佛寺改爲道院及世祖西征回僧奏聞命多恢復唯牢山僻居海上故未及之耳然皆廢矣予喜其地幽僻真逃入絕世之所志願居之初掩片蓆於樹下七閱月後得土人張大心居士爲誅茅結廬以居入山期年人

無往來心甚樂也時卽墨靈山寺有桂峰法師一

方眼目也喜得相與

妙師法屬德宗張大心居士桂峰法師各一見

徵知臺山大名之故以當日無遮道場太盛爲官  
闡祈嗣得嗣之名太著忤內使之言有聞於內其  
事更大其名更不可居是以臺山難返他山難就  
而遠蹈東海避跡牢山也初從報恩至京師本爲  
興復發心此從臺山至京師亦爲興復看緣從京  
師隱牢山從牢山得請藏還寺復請積儲將成緣  
事無非臺山修寺志願故曰此本心也牢山在萊  
州府卽墨縣海濱亦名勞山吳王登山得靈寶度

支那  
撰述

年譜目錄卷上

星

人經處漢逢萌亦遯跡於此地最荒僻乃不遠千  
里舍故就新舍熟就生舍北就東舍山就海舍冰  
就日舍華就夷若有不得已者特以力爭忤內使  
之名有聞故知難而退究之大難從此作大難亦  
從此解時節因緣佛祖躲閃不得也

十二年甲申

予三十九歲秋九月

聖母以五臺祈嗣之勞訪

求主事三人乃大方妙峰與予也二師已至受

賜獨訪予不得因力求之乃命舊主人龍華寺住  
持端菴公親訪之公知予在海上乃杖策而至具



宣 慈旨某懇謝曰倘蒙 聖恩容老山海受賜  
多矣又何求其他公覆報 聖意不已尋卜地建  
寺於西山隨遣內使至期以必往予竟謝不就中  
使回報以居山堅臥之志 聖意憐之間無房舍  
卽發三千金仍遣前使送至以修菴居及至予力  
止之曰我茆屋數椽有餘樂矣何用多爲乃不受  
使者強之不敢覆命予曰古人有矯詔濟饑之事  
今山東歲凶何不廣 聖慈於饑民乎乃令僧領  
來使遍散各府之僧道孤老獄囚各取所司印冊  
繳報 聖情大悅感歎不已及後予被難下鎮撫

支那  
梗迹

年譜目錄卷上

聖

鞠予數用內帑金予對以請查內庫支籍 上查  
止此濟饑一事餘無一毫 上意竟解 聖母四  
皇

三見龍華任持  
端安公一見

徵論此云內帑非 皇上支費庫特 太后供膳

庫耳節省布施孝慈勝因也何遽有清查之事豈  
非以建儲宮隙生端波及乎若非三辭信施慮海  
印寺可興可廢西山寺不可廢不可興也至因賜  
濟饑一事大慈悲在眼前大神通卽在轉眼善哉  
善哉○凡稱聖者皆 聖母非 聖上故特稱上

十三年乙酉

予四十歲東人從來不知僧予居山中則黃氏族  
窟大諸子漸漸親近方今所云外道羅清者乃山  
下之城陽人外道生長地故其道遍行東方絕不  
知有三寶予居此攝化久之凡爲彼師長者率徒  
衆來歸自此始知有佛法乃予開創之始也

徵乃知有緣則能攝化外道無緣則不能攝化道  
士外道皈依因見內使之往來道士生端疑聞官  
中之構隙故曰佛法付與國王大臣

### 十四年丙戌

予四十一歲是年頒藏經先國初刻藏有此方述

支那  
撰述

年譜自敘實錄卷上

四七

撰諸經未入藏者 今上 聖母命入刻之完

皇上勅頒十五藏散施天下名山首以四部置四  
邊境東海牢山南海普陀西蜀峨眉北屬蘆芽時  
聖母以臺山因緣且數 詔予不至 賜亦不受

乃以藏經一部首送東海初未知也及至空山無  
可安頓蒙撫臺行所在有司供奉之予見有 勅

命乃詣京謝恩比蒙 聖慈命合宮眷各出布施

修寺安供請 命名曰海印寺予在京適聞達觀

禪師訪予於海上卽走歸兼程追之及至山下值

師出山尋卽同回盤桓兩旬贈予詩有閒來居海



上名誤落山東之句是冬十一月以予自辛巳以  
來率多勞動未得寧止故多疲倦至今禪室初就  
始得安居身心放下其樂無喻一夕靜坐夜起見  
海湛空澄洞然一大光明藏了無一物卽說偈曰  
海湛空澄雪月光此中凡聖絕行藏金剛眼突空  
花落大地都歸寂滅場歸室中案頭見楞嚴經忽  
展開卽見汝心汝身外及山河虛空大地咸是妙  
明真心中物則全經觀境了然心目隨命筆述楞  
嚴懸鏡一卷燭纔半枝已就時禪堂方開靜卽喚  
維那入室爲予讀之自亦如聞夢語也

皇上下四  
聖母

支那  
撰述

年譜目錄寶錄卷上

四八

五見達觀  
禪師一見

徵觀天下名山多矣僅頌十五藏首頌四邊境四  
部邊境中又首頌東海牢山因憨祖創居之故妙  
峰師初進香普陀後去五臺居蘆芽則普陀蘆芽  
之頌並以妙師故牢山蘆芽非大名山而得首頌  
新藏者雖 皇上之勅實 聖母之意惓惓在臺  
山所嗣之功也憨祖自別妙峰所稱法門深契無  
如達觀積歲相思千里命駕覲面針鋒此日相對  
藉非兼程追及那免興盡空回牢山一見誼足千  
古矣憨祖外紀有云一切是幻人人曉得須有主

張幻的作用方不爲幻轉在海印時偶想盧祖夜  
半人來砍頭公案便欲學其定力每夜開門習觀  
想假若有人來要借頭便歡喜捨之今夜然明夜  
亦然久久覺有定見力在忽一夜報盜入予曰第  
呼來明燭正坐無怖怯心其人及門乃匍匐不敢  
入一長大漢也予呼謂此間無所有命取庫中二  
百錢與之若先無主張便惶遽不可知也又一夕  
坐入身世俱空海印發光山河震動境界得相應  
慧有頃悟入楞嚴着緊處恍然在目急點燭書之  
手腕不及停盡五鼓漏而楞嚴懸鏡已竟矣侍者

支那  
撰述

年譜見覺覽錄卷上

四

出候見殘燭在案訝之嗟乎凡此並光明藏中事  
非可着意揣求後段事義一符而辭筆雙妙並讀  
之可悟道兼可悟文要識所紀兩則乃是盧祖作  
我非我作盧祖楞嚴印我非我印楞嚴也慎錄之  
意如此

十五年丁亥

予四十二歲是年修造殿宇始開堂爲衆說戒自  
是四方衲子日益至爲居士說心經直說秋八月  
胡中丞請告歸田乃携其親之子送出家爲侍者

命名福善

胡中丞三見福善一見中丞卽前平陽太守順菴



徵於憨祖東遊時得遇書記侍者善公知微旣於  
淨慈宗鏡堂晨夕晤對相與同玄津師佐方丈筆  
硯事卒成東遊集憨祖一時高足無出知微師右  
者患難險阻無在不從全集紀錄並出其手其親  
胡公順菴東萊人因故里夙緣送之出家牢山海  
印寺後付居五乳方丈匡山法雲寺七旬坐脫  
十六年戊子

予四十三歲時學人讀予懸鏡請曰此經觀心具  
明第未全消文字恐後學不易入願字字消歸觀  
心則莫大之法施也予始創意述通議已立大旨

支那  
撰述

全譜曾敘實錄卷二

三

然猶未屬稿

十七年巳丑

予四十四歲是年閱藏爲衆說法華經起信論予  
自別五臺有省親之心但恐落世諦也姑自驗之  
一夕靜坐中偶有偈曰煙波日日浸寒空魚鳥同  
遊一鏡中昨夜忽沉天外月孤明應自混驪龍乃  
疾呼侍者曰吾今得歸故鄉見二老矣先是爲報  
恩寺乞請大藏經一部冬十月至京請藏 上卽  
命送之賫行十一月至龍江本寺寶塔連日放光  
及迎經之日塔光如橋北向迎經僧自光中行及

安經建道場光相日日不絕瞻視者日萬餘人以爲希有之瑞時老母聞予至先遣人候問何日到家予曰我爲朝廷事來非爲家也若老母能相見歡然如未別時止可信宿否則我不歸矣老母聞之曰再生相見歡喜不了那更有悲一面即可况兩宿耶及予歸老母相見欣然絕倒予大以爲異及夜坐族中長者問予從船來陸來老母應聲曰何問從船來陸來問者曰從何處來老母曰從空中來予驚曰怪得當時老婆子能捨我也因問母曰別後想我否曰安得不想予曰母何以自遣

支那  
撰述

三譜日文實錄卷一

五二

母曰始而不知既知爾在五臺因問師家五臺在何處曰在北斗之下卽令郎住處也我自此夜拜北斗稱菩薩名則不復想矣如謂爾歿則不拜亦絕想矣今見爾乃化身來也予明日祭祖塋爲二親卜葬穴及得之時老父已八十予戲曰今日活埋老子省得他日又來也予把鐮斫地老母奪之曰老婆婆自理又何煩人連斫數十下三日告別老母歡然如故未嘗感眉予始知老母非尋常也卽墨有黃生納善字子光者乃今大司馬黃公之弟也初予至海上時年十九歲卽歸依請益授以



楞嚴二月成誦從此齋素雖父母責之不異其心  
切志叅究脇不至席時予南歸光私念曰吾生邊  
地長劫不聞三寶名今幸遇大善知識爲不請反  
尚不回吾輩失依怙矣乃對觀音大士破臂皮燃  
燈供養求大士保予早歸自是火瘡發痛日夜危  
坐持觀音大士名號三月乃愈愈時見瘡痕結一  
大士像眉目身衣宛然如畫卽其母妻亦未知也  
恒求出家予絕不聽乃曰弟子打箇觔斗來師又  
何止我乎是知篋屨車地未嘗斷佛種也初予以  
重修本寺志居臺山事已有機但以動費數十萬

支那  
振述

年譜員安實錄卷上

五三

計未易言故待時於海上至是機將熟乃借送大  
藏因緣回南都具將本寺始末回復命具奏 聖  
母且云工大費鉅難輕舉願乞 聖母日減膳饑  
百兩積之三年事可舉十年工可成 聖情大悅  
卽命於是年十二月儲積始

聖母六見父三見  
母九見卽墨大司馬

黃公弟黃子  
光納善一見

徵按譜慈祖自二十六歲北遊至四十四歲南還  
見二親閱歷一十八年矣臺山了悟祈儲成功牢  
山行化海印現剎奏 勅賫藏致塔放光瞻禮傾  
城寺房動色更復二親無恙族屬不孤祖墓猶存

卜葬自斫世出世間心空及第而歸者幾人彼亦  
錦還故鄉者卽帝王將相何足羨乎又况龐婆出  
相臺姥現奇大家團圓說無生話一問一荅一來  
一去無非可涕可笑之情狀抑不解爲恩爲怨之  
何似也噫嘻一大捏怪也已黃子光何許人燃臂  
懷師瘡痕像佛黃梅夙誓勦斗再來載閱歲而坐  
脫矣噫嘻又非一小捏怪也已矣此譜所云上卽  
命送復命具奏並稱 聖母非關 皇上後來儲  
積之命當懼難時以請 皇上查內支籍而廢曹  
溪緣就報恩緣不就豈以彼易此哉光中送經早

支那  
撰述

三譜見卷一

三三

慰出家本寺一生願力矣

十八年庚寅

予四十五歲是年春書法華經爲報 聖母時有  
欲謀道場者乃構方外黃冠假稱占彼道院聚集  
多人訟於撫院時開府李公先具悉其事痛恨之  
乃送萊州府窮治其狀予親聽理力救之彼無賴  
數百人作鬪於府城有匡人之圍時有隨侍二人  
予斥之他往乃獨徐行其中爲首一人持刃鼓舞  
予前欲見殺予笑視之曰爾殺人何以自處其人  
氣索卽收刀圍行城外二里許將分路狂衆疑彼



爲首者有利於予卽欲毆之予嘿計彼衆一鼓其人危矣奈何乃躊躇將別卽拉狂者同至寓處閉門解衣磅礴談笑自若取瓜果共噉之時滿市喧云方士殺僧矣太守聞之卽遣多役併捕之彼衆惶懼皆叩首求解免予曰爾勿懼第聽予言何如耳及至太守問曰狂徒殺僧耶予曰未也來捕時僧方與彼爲首者同食瓜果耳守曰何以作閔予曰市喧耳太守欲枷彼予曰將欲散之枷則固拘之也太守悟乃令地方盡驅之狂衆不三日盡行解散由是此事遂以寧是年作觀老莊影響論

支那  
撰述

年譜目錄卷之三

五

聖母七見開府李公  
萊州太守各一見

徵觀此處鬪爭事步步兵法步步禪機若爾天下無難處之事無難御之人矣觀老莊影響論八篇中惟論心法一篇於行墨爲短於三教爲該附錄以存大槩論心法云余幼師孔不知孔師老不知老退而入於溪山大澤習靜以觀心焉由是而知三界唯心萬法唯識旣唯心識觀則一切形心之影也一切言教乃響之順者是則一切聖人乃影之端者一切言教乃響之順者由萬法惟心所現故治世語言資生業等皆順正法以心外無法故法法

皆真迷者執之而不妙若悟自心則法無不妙心法俱妙唯聖者能之憨祖作此八論時恰與道士解難豈亦和合三教之寓言乎宜道士之無怨也

十九年辛卯

予四十六歲是年 聖母造檀香毘盧佛像建大

殿成秋門人黃子光坐脫

聖母八見黃子光再見

徵謂淡許子光特筆呼應已丑事亦春秋書法

二十年壬辰

予四十七歲秋七月至京訪達觀師於上方晉時有琬公慮三災壞劫無佛法乃刻石經藏石室其

支那  
撰述

在昔日錄年錄卷一

三三

塔院爲僧所賣師贖之思予來作記予適至師大喜及見卽同過石經山乃爲作琬公塔院記及重藏舍利記拜前所作有海印稿時與達師相對盤桓四十晝夜爲生平之奇

達觀師再見

徵按房山縣有石經洞隋時靜琬法師鑿石爲板刻經一藏貯於洞以石門閉之累代皆有碑刻自達師經理後有都城石鐙菴僧自南募資續刻時在萬曆戊午徵以明經應試在都力襄其事又聞之五乳侍者云壬辰兩師遇於都門西郊園中相對兀坐四十晝夜目不交睫計修明代傳燈錄因



約往濟曹溪以開法脉云茲止云生平之奇而不詳或此未足奇更有奇特

### 二十一年癸巳

予四十八歲是年山東大饑餓死者載道山中所儲齋供盡分賑近山之民不足又乘便舟至遼東糴豆數百石以濟之由是邊山四社之民無一餓死者

徵讀至此太息草草了却牢山海印因緣然前後一十二年之間化行濟普已在不可思議功德中

### 二十二年甲午

支那  
撰述

平譜昌故實錄卷上

二十六

予四十九歲春三月山東開府崑崖鄭公入山見訪問法爲說方便語冬十月入賀 聖節至京留

過歲請說戒於慈壽寺時予以修本寺因緣知

聖母儲已厚乃請舉事時 上以倭犯朝鮮方議

往討姑徐之乃寢

聖母九見 皇十五見 鄭開府崑崖一見

徵按入賀 聖節者冬至節賀 聖母非賀 皇

上後特以上字別之 聖母請說戒慈壽寺了前

已卯京都建大慈壽寺完一案修報恩本寺因緣

聖母儲已厚事幾成而緣寢不就了從前北遊

本心與復本寺一案春秋先經起義後經終事筆

法也非爲修寺不入賀畱京非三年往來畱京不  
涉議犯患也聞之當日宗鏡堂侍者云 聖母請  
說戒時禮賜綦隆慈壽寺亦稱上方兜率院方丈  
布地無非氈錦供佛果饌悉四方珍物方丈所需  
服食器具遣大司禮官晨夕繹絡於途觀者每如  
堵牆勲戚內監供獻不可勝算兒童墮喜無不沾  
漑所賜內庫錢糧分毫不受僅以五十三參禪八  
行鉢一日鉢皆空還而金錢布粟已填筍溢廩日  
繞數千衆無不饜飮香積是年臘八日 聖母特  
命近侍陳儒賜毘盧帽織錦紫伽黎誌公鞋及內

支那  
撰述

金譜自卷錄卷二

五七

衣上下悉大戒慈祖悉謝不受三賜乃受受仍不  
服時達觀大師住石經山啓石室佛座下得函貯  
佛舍利無數 聖母聞之亦命近侍致齋供賜紫  
伽黎大供舍利三日重藏石窟達師有辭賜讓慈  
公表偈云三十年來江海遊尋常片衲度春秋自  
慚貧骨難披紫轉施高人福更優蓋因慈祖時尚  
在京不服故達師亦不受欲併歸慈祖令服之故  
云福更優也賜衣之日 聖母命內侍傳旨欲延  
入宮面請法名師知非 上意力謝以祖宗制僧  
不入宮乃遣內侍繪像命名以進 聖母懸像內



殿令 上侍立拜受法名 上事 聖母至孝此  
日未免色動 聖母法諱在譜後法派德大福深  
廣四十字中用第二大字其諱字當命名進宮時  
侍者絕不得聞但從此避忌大字一輩法屬悉從  
福字輩始是時 聖母修寺儲厚勝因一間耳使  
查內支籍時所儲入手無以自解安得免難幸而  
事寢不涉施資謝恩言旋罹難無恙因思當日鉢  
銘輕萬鍾之具衲銘輕天下之具於茲大驗豈虛  
語哉○以上了牢山慈壽志興本寺三公案

### 三十三年乙未

支那  
撰述

年譜目録卷上

五

予五十歲春二月予從京師回海上卽罹難初爲  
欽頒藏經遣內使回送之先是 上素惡內使以  
佛事請用太煩其一至東海時內庭偶以他故觸  
聖怒將及 聖母左右大臣危之適內權貴有  
忌送經使者欲歿之因乘之發難遂假前方士流  
言令東廠役扮道士擊登聞鼓以進 上覽之大  
怒下逮以有送經因緣故併及之予聞報乃會衆  
曰佛爲一衆生不捨三途此東海乃篋屨車地素  
不聞有三寶名今予教化十二年三歲赤子皆知  
念佛至若捨邪歸正者連鄉比戶也予願足矣歿

復何憾第以重修本寺志未耐可痛心耳及離卽  
墨城中士民老少涕泣而送足見人心之感化也  
及至京奉 旨下鎮撫司打問時執事者先受風  
旨欲盡招追向 聖母所出諸名山施資則不下  
數十萬計苦刑考訊之下予曰某愧爲僧無以報  
國恩今安惜一死以傷 皇上之大孝乎卽曲意  
妄招網利奉 上意以損綱常殊非臣子所以愛  
君之心也其如青史何以死力抵之止招前衆布  
施七百餘金願請 上查內支籍及查前代賑之  
外果無稽 上意遂解由是母子如初及擬蒙

支那  
撰述

支那見實錄卷二

三五

聖恩矜察坐以私創寺院遣戍雷州於是年三月  
下獄時京城諸刹皆爲誦經禮懺保護其衲子中  
有燃香煉臂持呪以加護之者安肅鄭大司馬範  
溪公子在金吾素未相識特設燕會在朝縉紳請  
救以至涕泣訴其无妄無不爲法門惜者乃見一  
時人心爲法之如此在獄八閱月供饋者唯侍者  
福善一人冬十月發遣南行朝士大夫多襲服策  
蹇相送以津濟者出都日侍者福善同衲子二三  
人隨行十一月至南京江上別老母作母子銘携  
孤侄可久往初與達觀師過石經山因思禪門寥



落謂曹溪源也必源頭壅闕乃志同往以瘞之以  
予事未果達師先往候予匡山予被難時師正居  
天池聞報大驚曰慈師已矣則曹溪之願未了也  
師遂先至曹溪然後至京相報竟奔走往回至聊  
城聞予將出遂回金陵以待予至則相別於江上  
旅泊菴中師意欲力爲白其枉予曰君父之命臣  
子之事無異也况定業乎師幸勿言臨岐把臂曰  
在天池聞師難卽對佛許誦法華經百部以保無  
虞我之心師之舌也予唯唯謝別師爲作逐客說  
以送之

聖母十見

皇上六見鄭大司馬範溪  
公子金吾一見福善侍者再見老母十見

支那  
撰述

至請自覺寶錄卷二

六二

達觀師  
三見

徵按乙未之年

皇太子生十四歲矣而儲位未

定廷議紛然

聖母意在

泰昌議主立長

皇

上意在福王議主立貴內廷近侍左袒鄭貴妃者  
什九外廷權貴因之附和幾搖國本於是調停其  
間者主三王並封之說而挺持如張相國洪陽位  
王相國家屏鄒給諫南臯元標高儀部景逸攀龍  
春不過數人時泰昌復多疾恙東宮儲貳未着

皇心正在岷嶽觜角之際識者謂臺山祈嗣慈  
壽保嗣以出世人干係國祚大事甚爲慈祖危之

初緣一在武當一在五臺故 聖母終爲臺山  
皇上終爲武當內外奸人窺伺 皇上一時喜怒  
遂令東廠役假扮道士影響借釁以傾和尚披枝  
去本之勢此日真成燎原却與牢山道士全沒交  
涉惟道士沒影響知宮庭大水火矣慈祖初以臺  
山祈嗣得嗣因緣有聞於內已成禍胎因避名越  
半歲卽隱去而免茲以報恩儲積因緣不忘京師  
往來低佞幾三載而建儲之大關目大是非波累  
及之且當日請 聖母日減膳饑百兩三年儲積  
之說大不便於內官隙旣易生况 祖制母后不

支那  
摺述

年譜  
旨錄  
卷一

三

得干與朝政宜一時中外之藉端排搆也昔二祖  
順受非法識真者謂之償債此其爲償債也不綦  
大乎獄辭只奉 上意以損綱常非臣子愛君之  
心一語重於九鼎綱常二字豈徒爲施資發哉海  
印寺命名請自 聖母令旨未請 皇上聖旨故  
坐以私創之罪此不云毀寺作達師塔銘序直云  
毀其寺嗟乎刑官之擬律則過矣於孝思當何如  
也此番載別母事不復繁辭到底是婆拋子只至  
南京江上別老母八字便了事親一大公案母子  
銘序則詳附之○清因弘法致難上于 聖天子



怒聲若雷霆私念老母聞之必驚絕矣乃蒙 恩  
宥以不灰遣戍雷陽道經故鄉迎老母於江上一  
見歡喜談笑音聲清亮胷中畧無纖毫滯念因問  
老母聞兒灰生之際豈不憂乎母曰灰生分定耳  
我尚不憂何憂於汝但人言參差於事無決定見  
爲疑念耳相與侍生達旦卽作末訣老母囑曰汝  
善以道自愛無爲我憂今亦與汝長別矣欣然就  
道了不相顧予因感天下之爲母有如此者豈不  
頓盡灰生之情乎乃爲之銘曰母子之情磁石引  
針天然妙性本自圓成我見我母如木出火木已

支那  
撰述

年譜最實錄卷三

三

被焚火元無我生而不戀灰若不知始見我身是  
石女兒○附園中讀圓覺經四相章云鐘鼓鈴鐸  
不斷聲聲聲日夜說無生可憐醉夢傷生者鏡裏  
相看涕淚傾相我突兀嶮峴鐵城刀林劔樹冷如  
冰誰知火向冰山發燒盡冰山火不生相人鐵門緊  
閉杳難開關鎖重重亦苦哉可怪呻吟長夜客不  
知因甚此中來衆生相一條血棒太無情觸着須教

斷灰生痛到徹心酸鼻處方知王法甚分明壽者相

○出園中過長安市四首云長安風月古今同紫  
陌紅塵路不窮最是喚人親切處一聲雞唱五更

鐘體若虛空自等閒纖塵不隔萬重山可憐白日  
青天客兩眼睜睜歎路艱飄風驟雨一時來無限  
行人眼不開忽爾雨收雲散盡太虛元自絕塵埃  
空裏乾城野馬人目前彷彿似煙村直須走入城  
中看聲色元來不是真○是歲起曹溪因緣

文那  
撰述

至譜自敘寶鑑卷上

空三

琉璃版漱潤齋刻字  
舖內張姓刊刻刷印



